

Ծ ա ո հ ա վ ա տ ո



Սերժ

ԱՌԱՔԵԼՅԱՆ

Լրագրող

Լերջին երեք տարում շատ եմ հանդիպել փախստականների, տեսել բռնագաղթի ճանապարհների սարսափներն ապրած մարդկանց, և ամեն անգամ սիրտս սեղմվել է ցավից: Իմ կյանքն աղքատ կյիներ, եթե հանդիպելի նրանց, չտեսնեի մայր հայրենիքում երջանկության յույսով ողողված նրանց աչքերը:

Ում հետ էլ հանդիպել եմ, զգացել եմ, որ բոլորն էլ քշով բավարարվող, բարեխիղճ ու աշխատասեր մարդիկ են, որոնց ներսում վերքեր են մխում՝ կորցրածի ցավը: Իսկ նրանք շատ բան են կորցրել՝ տուն ու այգի, դարեր ի վեր սեփական ձեռքերով մշակած ու ծաղկեցրած հայրենի հող ու պապերի գերեզմաններ: Այդ ամենը հայրենիք է, հայրենի եզերք: Այդ ամենը թողել են ու եկել, կաթիլ-կաթիլ հավաքվել, մեկտեղվել ու դարձել գյուղ՝ մայր Հայաստանում: Ու հիմա մենք պարտավոր ենք մեր արյունակիցներին ամեն ինչով օգնել, սատար կանգնել նրանց:

Լրագրողի իմ աշխատանքը ինձ հնարավորություն է տալիս լինելու մեր հանրապետության շատ շրջաններում, որոնք վերաբնակեցված են փախստականներով, և կարող եմ բազմաթիվ օրինակներ բերել, թե ինչպիսի մեծ ու անզնահատելի օգնություն են ցույց տվել փախստականներին առաջին հերթին տեղաբնակները. մարդիկ մինչև անգամ իրենց բնակարանն են տրամադրել, օգնել սննդով, հագուստով, դրամական միջոցներով: Ամեն ինչ արվել է, որպեսզի մեր հայրենակիցներն իրենց լավ զգան: Այս ամենը խորապես մարդկային է: Սակայն սա դեռևս հարցի լուծում չէ: Այսօրվա դրությամբ շատ լուրջ խնդիրներ են ծառայել՝ կապված փախստականների սոցիալ-կենցաղային պայմանների բարելավման հետ: Այս մասին շատ է խոսվել ու գրվել: Հետո՞, սալը ե՞րբ է տեղից շարժվելու: Լուրջ խնդիրները կարելի է լուծել միայն պետական մակարդակով, մի բան, որ առայժմ չի զգացվում: Այսօր նախկին ադրբեջանական գյուղերում վերաբնակեցված փախստականների մի մասն ապրում է դըպրոցի կամ ակումբի հին շենքերում՝ ամենատարրական պայմաններում գորկ: Անօրը, էլ քրանց ճակատագիրը՝ կմնա՞ն գյուղում, թե՛ կրոնիկ շաղաք տանող ճանա

պարհը՝ հարազատների կամ մերձավորների տանը ապաստան գտնելու հույսով, քանի որ իրենք էլ չգիտեն՝ ե՞րբ բնակարան կունենան...

Վերջերս եղա Կրասնոսելսկի շրջանի մի շարք գյուղերում: Ծուրջ 7000 փախստականներ կան շրջանում, նրանցից 2500-ն է ապահովված մշտական աշխատանքով: Միայն շրջկենտրոնում բնակություն են հաստատել մոտ 70 ընտանիքներ, մի մասը տեղավորվել է այսուայնտեղ, հանրակացաններում: Նրանց համար ե՞րբ կստեղծվեն բարենպաստ պայմաններ, այս հարցին ոչ ոք չի կարողանում պատասխանել:

Կրկնակի ծանր է շրջանի գյուղերում ստեղծված վիճակը: Չի հերիքում խմելու ջուրը, առաջին անհրաժեշտության ապրանքներ ձեռք բերելը պրոբլեմ է: Մարդիկ զրկված են հեռուստացույց դիտելու, ռադիոլսելու հնարավորությունից: Չափազանց վատ է փոստի առաքման գործը: Մարդիկ շաքաթներով թերթ չեն ստանում, չնայած բաժանորդագրված են: Համարյա բոլոր գյուղերում էլ (Թոխլուջա, Ամիրխեթ, Արտանիշ, Ջիլ), որոնք վերաբնակեցված են փախստականներով, հանդիպումների ժամանակ սոցիալ-կենցաղային նույն հարցերն էին բարձրացվում՝ վառելիք չկա, հեռախոսակապը անկանոն է, չի հերիքում խմելու ջուրը և այլն: Գործկոմի ներկայացուցիչը նշումներ էր անում ծոցատետրում, խոստանում, որ այդ հարցերը շուտափոյթ կլուծվեն, սակայն մարդիկ արդեն չէին հավատում, նրանց շատ են «կերակրել» խոստումներով:

Տուն ու տեղ կորցրածի, սպանդի սարսափներն ապրածի համար ամենակենսականը գլխավերևում տանիք ունենալն է: Որոշ շրջաններում ըմբռնումով մոտեցան այս հարցին՝ անհատական բնակարանաշինության համար նորաբնակներին հողամասեր բաժանեցին: Օրինակ, Հրազդանի շրջանի մի շարք գյուղերում, այդ թրվում և Ալափարսում, ուր փախստականների 15 ընտանիքներ են ապաստան գտել, յուրաքանչյուր ծխի հատկացրել են 1200 քմ հողամաս: Սակայն շինանյութեր չլինելու պատճառով շատերը չեն կարողանում ավարտին հասցնել տան կառուցումը: Այս վիճակը մինչև երբ կշարունակվի՝ ոչ ոք չգիտի:

Ամասիայի շրջանի Գտաշեն գյուղը երկու մասի է բաժանված՝ հին ու նոր թաղամասեր: Հինը ադրբեջանցիների լքած տներն են՝ գորշ, անշուք տեսքով: Նորը երկրաշարժից հետո ուկրաինացի շինարարներն են կառուցել փախստականների համար: Նախկին ադրբեջանական գյուղը վերաբնակեցված է: Մտնում ենք գյուղի հին թաղամասի առաջին պատահած տան բակը: Տունը համարյա կիսավեր է: Նախկին տանտիրոջ սն գործն է:

Վարդենիսի շրջանի Կոշաբուլազ գյուղի բուժկետը տեղավորված է մի կիսախարխուղ շենքում՝ լուսամուտների ջարդված ապակիներով: Բուժկետի վարիչ Ռիմա Աթաբեկյանը, նախկին բաքվեցի, դողում էր ցրտից, սակայն չէր դժգոհում. «Մենք ամեն ինչի կոյնանանք, ոչ մի տեղ էլ չենք գնա, սա՛ է մեր ամենաապահով տեղը»: Ամենազարհուրելին տեսած ու ապրած Ռիմայի համար կարևորն այն է, որ խաղաղ է բացվում լույսը նրա տան վրա, ապահովված է երեխաների անվտանգությունը:

Այո՛, Ադրբեջանից բռնագաղթված մեր հայրենակիցներից շատերը ըմբռնումով են ընդունում ու գիտակցում այն ծանր կացությունը, որ ստեղծված է մեր հանրապետությունում: Ազեռի գոտի, տնտեսական ճգնաժամ ու դաժան շրջափակումներ... Նման իրավիճակում կենսապահովման բոլոր հարցերը միանգամից չես լուծի, հնարավոր չէ, դրա համար ժամանակ է պահանջվում: Այս մասին պետք է ազնվորեն խոստովանել, մարդկուց պետք է ճշմարտությունն ասել՝ որքան էլ այն դառը լինի: Պետք է ջերմությամբ շրջապատել փախստականներին, օգնել և օգնել, որ նրանք ամոքեն իրենց վիրավոր սրտերը: